

**Theologia Scholastica Secundum Viam Et Doctrinam D.  
Thomæ Aquinatis, Doctoris Angelici**

In Celebri Archiepiscopali Benedictina Universitate Salisburgensi, methodo  
& norma ibidem usitata publicè tradita, & in IV. Tomos digesta ; Qvorvm  
Primvs Tractat De Deo Vno Et Trino, Deq[ue] Creatura Angelica ...

**Mezger, Paul**

**Augustæ Vindelicorum, 1695**

Articulus IV. Fundamenta & rationes pro positivo peccati diluuntur.

---

[urn:nbn:de:hbz:466:1-74152](#)

qua Divinae relationes sub tali reduplicatione es-  
sent purum nihil, aut merum ens rationis. [Sunt  
verba ipsiusmet Gonet] sed de formalí peccati,  
juxta Advers. affirmatur ens, & negatur ens Di-  
vinum: ergo de formalí peccati non solum in  
re, sed facta quācunque reduplicatione affirmatur  
ens creatum: aliás sub tali reduplicatione es-  
ser purum nihil, aut merum ens rationis: ergo  
formalí peccati facta quācunque reduplicatione  
est à DEO. Rufus, ut habet idem Author loc.  
cit. *Reduplicatio, & virtualis distinctio relationis  
Divina ab essentia non impedit, quin de illa effen-  
tialiter prædicetur ratio entis ut sic, & conse-  
quenter unum ex membris dividentibus, nempe ens  
Divinum: ergo etiam reduplicatio & distinctio  
virtualis deformitatis peccati à positiva tenden-  
tia actus in objectum, non tollit quin de ipsa ef-  
fentialiter prædicetur ratio entis ut sic, & conse-  
quenter unum ex membris dividentibus, nempe  
ens creatum & productum.*

19. Respondeo secundò directè ad objectam par-  
itatem, negando causalem adductam [imò quid  
est in Divinis esse extra sphærā virtutis produc-  
tiꝝ, quām non esse terminum illius virtutis?  
ab illa non posse produci? cujus ipsius danda est  
ratio?] ratio enim, cur natura Divina non pro-  
ducatur, est, quòd principium producens prin-  
cipaliter respicit formam pro termino assimila-  
tionis seu communicationis, esse verò personale  
pro termino productionis. Cùm ergo in Divinis  
ob infinitatem absolute perfectionis forma seu  
natura aliter quam per identitatem communica-  
ri non possit, ideo natura non producitur, sed  
identicē communicatur, hypothesis verò, in quā  
oppositio relativa reperitur, illa producitur.  
Quā cùm in nullo creato, minus in peccato re-

periatur, ruit totum fundamentum illius giga-  
te paritatis.

Colliges secundò. Formalem malitiam pec-  
cati omissionis non posse consistere in positivo.  
Sequitur ex dictis: nam malitia omissionis vel  
nullum, vel non nisi remota & indirectè requiri  
aliquem actum indeterminatum, qui saltem pr  
accidens sit causa vel occasio omissionis; si ergo  
formalis malitia peccati commissionis, quod  
men per se & directè pro suo substrato requiri  
aliquem actum positivum determinatum, consili  
in privativo, multò magis malitia peccati omis-  
sionis consistet in illo, & quidem non solum in  
privatione rectitudinis, sed in privatione ipsius  
actus præcepti.

Dices primò. Etiam malitia peccati omis-  
sionis est aliqua species moralitatis; sed species mor-  
alitatis est quid positivum: ergo. Secundo.  
Liberum & voluntarium sunt denominationes &  
formalitates positivæ: acqui peccatum omis-  
sionis est liberum & voluntarium: ergo.

Respond. ad primum, est aliqua species mora-  
litatis indirectæ, & reductivæ, concedo; per se  
directè, nego: sed species moralitatis directa per  
se est quid positivum saltem ratione sui libratris,  
concedo; indirecta, nego minorem & con-  
quentiam.

Ad secundum quoque dist. maj. Liberum &  
voluntarium directum sunt denominations po-  
sitivæ concedo; liberum indirectum, nego;  
atqui malitia tam in peccato omissionis, quā  
commissionis est solummodo libera indirecta;  
siquidem nemo intendens malum operatus, cum  
hac tamen distinctione, quòd in peccato commis-  
sionis habeat de substrato actum directè liberum  
voluntarium, quem non requirit in peccato o-  
missionis,

## ARTICULUS IV.

### Fundamenta & Rationes pro positivo peccati diluuntur.

#### S U M M A R I A.

1. *Primum fundamentum Adversar. à prioritate positiva tendentia.*
2. *Responsio de malitia fundamentali*
3. *Impugnatur.*
4. *Negatur fundamentalis malitia & prioritas po-  
sitivæ tendentia.*
5. *Altera Objectio Philosophica*
6. *Retorquetur.*
7. *Solvitur.*
8. *Bonitas & malitia formalis sumptu concrete di-  
vidunt genus moralitatis.*
9. *Tertia objectio ex contrarietate cum lege*
10. *Retorquetur.*
11. *Solvitur.*
12. *Quarta objectio ex contrarietate boni & mali*
13. *Solvitur.*

#### §. I.

##### Prima fundamentalis ratio expenditur.

1. *Potissimum contrarie sententiae fundamen-  
tum est primò. Prius concipiatur actus for-  
maliter malus, quam privatus debita rectitudine;*

ergo formalis malitia non consistit in hac priva-  
tione. Anteced. probatur: Pro illo signo & in-  
stanti rationis actus concipiatur formaliter malus  
pro quo concipiatur difformis rectæ rationi; sed  
pro signo antecedente privationem debitæ recti-  
tudinis actus jam concipiatur difformis rectæ ra-  
tioni; ergo. Minor iterum probatur: In quo  
signo actus concipiatur tendere in objectum dis-  
sonum rectæ rationi; in illo signo concipiatur dif-  
formis rectæ rationi; sed in signo antecedente  
privationem concipiatur actus tendere in ob-  
jectum dissonum rectæ rationi; quamprimum &  
nim actus concipiatur exire à voluntate cum ad-  
vertentiā in honestatis objectivæ, jam hoc ipso  
concipiatur tendere in objectum dissonum rectæ  
rationi; ergo.

Respondeo neg. antecedens. Ad ejus pro-  
bationem plerique respondent, posse quidem in  
signo antecedente privationem concipi tenden-  
tiam actus in objectum dissonum rectæ rationi;  
sed tunc concipi malum & difformem rectæ ratio-  
ni, non formaliter, sed fundamentaliter.

Verba

3. Verum hæc responsio varia patitur difficultates. Contrà enim est primo. Pro quo signo rationis concipitur actus tendere in objectum consentaneum rectæ rationi, pro eodem signo secundum Adversarios est formaliter bonus: ergo etiam pro quo signo actus concipitur tendere in objectum dissentaneum rectæ rationi, est formaliter malus & difformis rectæ rationi.

Contrà est secundò. Pro illo signo tendentia in objectum dissonum rectæ rationi actus est in certa specie morali constitutus, v. g. voluntas fuardi, pro quo signo tendit in acceptacionem rei alienæ lege & ratione prohibitam, jam est in specie injuritiae constituta: ergo etiam est constituta in specie subalterna mali moralis, cum sit impossibile, aliquid esse in specie infima constitutum, priusquam sit in specie subalterna, e. g. implicant aliquam substantiam esse hominem, priusquam sit in gradu animalis constituta.

Contrà est tertio. Vel DEUS est causa istius fundamentalis malitia, consistentis in positiva tendentia, vel non est. Non primum: tum quia sic DEUS esset sicut mediatâ causa formalis peccari; qui enim est causa causa, etiam est causa causari, unde etiam DEUS non potest esse causa habitus virtutis: tum quia illa tendentia non alia ratione esset fundamentum malitiae, nisi quatenus à voluntate deficiente procedens: sed comparativè ad DEUM non est ut à principio deficiente: ego fundamentalis malitia DEUS author esse non potest. Non etiam secundum dici potest: quia si datur fundamentalis malitia in positivo consistens, quæ tamen formaliter explicitè non sit à DEO, tunc falsum est illud principium, in quo tandemur, quod nempe omnis entitas positiva etiam secundum explicitas formalitates sibi identificatas sit à DEO, & eodem jure licebit dicere, formalem malitiam, tametsi consistat in positiva tendentia, secundum explicatam tamen rationem malitiae quatenus connotantis principium deficiens, sic non esse à DEO.

Relicta igitur hæc responsive, nego min, tam argumenti quam probationis. Et dico cum Philippo à SS. Trin. disp. 6. dub. 3. ad 2. quod in eodem signo, in quo concipitur actus exire à voluntate cum sufficienti advertentia ad in honestatem objecti, eo ipso quoque inordinatè & defectuosè exire concipiatur; siquidem exire à voluntate non tantum ut à principio efficiente, sed etiam deficiente. Unde nego, dari aliud fundatum aut radicem proximam malitia, quam voluntatem defititum debitâ directione rationis practica. Ita S. D. verbis perspicuis hic q. 75. a. 1. Provenit, inquit, defectus ordinis in actu ex defectu directionis in voluntate. Voluntas sine adhibitione regula rationis, vel legis divine est causa peccati. Unde non debet concipi privatio rectitudinis resultare ex actu contrariante legi & rectæ rationi, sicuti concipiimus relationem refutare ex fundamento, quasi actus exerceret aliquam causalitatem emanativam respectu hujus privationis, sed ipsa concomitant actum, quem informat, in ipso suo elicit.

Instabis. Ideo actus est privatus debitâ rectitudine, quia tendit in objectum dissonum rectæ rationi: ergo actus per prius tendit in objectum

dissonum rationi, quam sit privatus rectitudine.

Respond. dist. anteced. ideo est privatus rectitudine, quia tendit in objectum tendentia defititua includente privationem rectitudinis, concedo; tendentia præscindente ab illa, sic nego anteced. & consequent, nam ly ideo non semper significat consequentiam causalitatis, sed aliquando tantum illationis. Ut si dicas: Leo ideo est animal, quia est brûnum; sum rationalis, quia sum homo. Nam & ratio bruti animalitatem, & humanitas rationalitatem includit. Pari sensu dicitur, actus est privatus debitâ rectitudine, quia tendit &c. tendentia nimis includente, non causante irrectitudinem privatam.

Si dicas. Actus bonus per suam positivam tendentia est rectus & bene ordinatus: ergo actus malus moraliter per suam positivam tendentiam est irrectus, & inordinatus. Respond, negando consequentiam: quia esse rectum & commensuratum, ceu prædicatum positivum & respectivum, bene potest convenire positiva tendentia; at irrectitudine & inordinatio cum sit prædicatum privativum [ upore formaliter exclusiva debiti ordinis, & ineffectibilis à DEO ] non potest idem esse cum tendentia positiva secundum dicta.

## S. II.

### Alia objectiones solvuntur.

Ratio secunda Philosophica est: Quicquid 5: dicitur de genere, id dicitur de qualibet specie contentam sub illo; sic quia de animali prædicitur esse tenetivum, prædicatur etiam de qualibet specie animalis: sed de moralitate ipsi diximus illam consistere in positiva habitudine ad objectum: ergo idem dicendum de speciebus moralitatis. Atqui immediata species moralitatis sunt bonitas & malitia moralis, & quidem non materialiter sed formaliter sumptas: ergo non solum bonitas, sed etiam malitia moralis formaliter consistit in positivo.

Respond. primò retorquendo argumentum 6. ad hominem: quicquid dicitur de genere, dicitur de qualibet contento sub illo: sed de malo absolute in genere affirmatur quod sit privativum: ergo etiam affirmandum est de qualibet contento sub genere mali. Atqui peccatum seu malum morale est aliqua species contenta sub malo ut sic: ergo est quid privativum. Negant quidem Salmanticensis disp. 6. dub. 4. §. 7. dari communem rationem mali, in qua omnia mala convenient. Ratio, addunt, perspicua est: quia positivo & privationi nihil potest esse commune.

Sed quid si & nos diceremus, non dari communem rationem moralitatis respectu bonitatis & malitiae formalis, sed [ ut plures loquuntur ] tantum respectu bonitatis & malitiae fundamentalis, hæc ipsa de causa, quia positivo & privativo nihil potest esse commune. Nunquid dicent, responderi per id quod est in questione, nempe an constitutivum formalis malitia sit aliquid privativum? Quod igitur ipsi nobis, hoc & nos ipsi in eodem loquendu modo solvendum reponimus.

Respondeo secundò concedendo totum. Subsumptum distinguo, sed malitia moralis concretè sumpta

- sumpta est species moralitatis, concedo; abstracte, nego subsumptum: & pariter distincto consequente, nego consequentiam. Itaque sic res est intelligenda: moralitas generica est habitudo ad objectum substantis regulis morum, quae adhuc præscindit an illa habitudo habeat conformitatem vel disformitatem cum regulis morum. Species hujus generis divisivæ sunt bonitas moralis concretæ sumpta, h. e. habitudo habens conformitatem eum regulis morum; & similiter malitia moralis concretæ sumpta, h. e. habitudo actus habens disformitatem cum regulis morum, quam dicimus esse deordinationem privatam & carentiam debitæ rectitudinis. Atque ita etiam malitia moralis est quid positivum non adæquatè & ex parte malitia formalis abstractè & divisum sumpta ab ipsa habitudine, sed inadæquatè ex parte habitudinis, quæ formalis malitia per modum partis generica & materialis substernitur. Sic etiam quælibet species animalis est & dicitur sensitiva, non ratione gradus specifici superadditi. v. g. rationalitas, sed ratione gradus generici & materialis, nempe animalitatis.
8. Porro id, quod additur in objectione: species divisivæ moralitatis in genere sunt bonitas & malitia formalis, rursus distinguo: in hoc sensu, quod sint bonitas & malitia formalis abstractè, & præcisè ab habitudine actus, sic nego; concretæ sumpta, hoc est ut recepta in ipsa habitudine actus, sic concedo. Nam species moralitatis non sunt nisi quatenus voluntaria, voluntaria autem sunt propter actum & liberam tendentiam voluntatis: quo stante habitudo & tendentia adhuc se habent tanquam materiales respectu malitia formalis ut sic, quia est receptivum, & substratum ipsius.
9. Ratio tertia opponitur: In illo formaliter consistit malitia peccati, in quo peccatum legi & præcepto contrariatur; siquidem peccatum definitur per oppositionem ad legem: sed aliquando peccata contrariantur legi in aliquo prohibito: ergo etiam corundum malitia formaliter consistit in positivo. Minor probatur: Peccata intrinsecè mala, ut v. g. mendacium opponuntur præcepto negativo non mentiendi: sed huic opponuntur per liquidum positivum: ergo. Min. probatur: Objectum hujus præcepti non mentiendi est negatio mentiendi: sed negationi mentiendi opponitur actus positivus mendacii, non enim negatio per negationem tollitur: ergo oppositio cum præcepto non mentiendi sit in aliquo positivo.
10. Respond. primò. Hoc argumentum facile retrorueri posse in Adversarios: hinc enim sequitur honestatem moralem consilere in privativo, vel negativo; siquidem illud, cui peccatum opponitur & quod lege præcipitur, est honestum; atqui negatio mendacii opponitur mendacio, & præcipitur lege non mentiendi: ergo. Atqui consequens pugnat contra Adversarios, qui & ipsi admittunt, ad honestatem exercitii voluntarii requiri directam motionem honestatis objectivæ, prout in priori Tract. ostendimus.
11. Respondeo secundò. dist. maj. In illo formaliter consistit malitia peccati, in quo peccatum legi contrariatur, quoad honestatem præceptam,
- concedo; quoad materiam præceptam, nego; negativæ in positivo, quoad rem, hoc est negationem præceptam, concedo; quoad honestatem præceptam, nego minorem & consequentem. Similiter distinguo probationem: Præceptum non mentiendi habet pro objecto negationem mendacii, quoad meteriam & rem præceptam concedo; quoad honestatem, nego: ergo oppositio cum præcepto non mentiendi sit in aliquo positivo, quantum ad oppositionem cum materia & re præcepta, concedo; cum honestate præcepta, nego consequentiam. Ad alteram probationem, quod negationi non opponatur negatio, distinguo maj. negationi ut negatio est, conodo; ut substat honestati virtutis & est voluntaria, nego.
- Sensus & ratio distinctionis est; quod eisdem præcepta negativa pro materia præcepta connotent negationem, pro fine tamen inimico & formaliter respiciunt honestatem determinantes virtutis, ad quam pertinent. Unde voluntas materialiter quidem conformatur ejusmodi præceptis, per negationem seu omissionem actus prohibiti, quo modo etiam dormientes & amentes dici possunt servare talia præcepta; ut autem voluntas dicatur formaliter moraliter conformari & habere rectitudinem præcepti, oportet ut etiam conformetur quoad honestatem præcepto intentam, quod nunquam contingit absque intentione & actu voluntatis. Cum igitur alius per actum intrinsecè malum transgreditur præceptum negativum, actus ipse ex parte sua positiva tendit, non conformans se honestati & rectitudini præcepti per rationem practicam representare.
- Quarta ratio Philosophica solvenda sperefit. Extrema contrariæ opposita consistunt in positivo: sed bonum & malum morale contrarie opponuntur secundum Philologum 2. Eth. c. 7. & 8. idque proprie dicta contrariate, quia dictum bonum & malum, studio sum. Et virtus, iustitia & iniquitas opponi sicut album & nigrum, dulce & amarum, &c. unde & Doctor Angelicus tenet virtutem & vitium, quod ex actibus peccatorum generatur, agnoscit strictè & propriè dictam contrariatem.
- Respondeo eadem distinctione, ut primo: ponuntur contrariæ & quidem contrarietate propriè & strictè sumpta bonum & malum morale virtus & vitium, sumpta concretæ, concedo; abstractæ & quoad ipsam formaliter rationem malitia aut virtuositas, sic nego: ita enim opponuntur contrarietate solum latè accepta, hoc est privata, sicut prima contraria. Quam esse genuinam in præcedentibus accumulata.
- Ex dictis constare potest, sententiam, qua factum malem malitiam peccati in privatione debitis virtutibus constituit, esse oppositam sententiam intrinsecè quam extrinsecè probabilorem. Extrinsecè, quia conformior dictis Concill. SS. cito & 17.

& PP. & D.Th. quorum testimonia perquam difficili extricatione solvunt Defensores positivæ malitiae; Intrinsecè; quia procedit potissimum ex fundamento Theologico sanctitatis Divinæ;

cum sententia opposita fermè nitatur philosophicis rationibus, quæ non admodum difficilem habent solutionem.

## DISPUTATIO XVIII. DE Peccato omissionis.

**Q**UAMvis secundum dicta in Tract. IV. probabiliter dari possit pura omissio peccaminosa, sine omni actu, fere semper tamen aliquis actus non tantum internus, sed etiam externus cum omissione connectitur. Quæ connexio potest esse vel causalis, si nempe actus per modum causæ, motivi, vel occasionis influat in omissionem, ut si ludendi gratiâ omittens Sacrum præceptum audire. vel concomitans, si nimur omissio ex alio capite sequeretur, quamvis ille actus nullo modo conjungeretur omissioni, ut si tædio pluvia tempestatis decrevit manere domi, quo tempore urget præceptum adeundi Ecclesiam: & tamen, ne sis otiosus, eodem tempore studes. Igitur post examinata malitiam in peccato commissionis, nunc de malitia tam omissionis, quam actus cum illa conjuncti disputamus, quam pariter in privativo consistere, & esse inordinatam omissionem actus præcepti, jam in priori Disputatione deductum supponimus.

### ARTICULUS I.

*An, & quale peccatum sit actus Omissioni culpabili conjunctus?*

#### SUMMARIUM.

1. Omissio vitias actum, qui est causa, vel Occasio illius.
2. Actus tantum concomitanter conjunctus omissioni, per illam non vitatur.
3. Expositio Authoritas S. Doctoris.
4. Quomodo actus omissioni concomitanter junctus, fiat tempore indebito?
5. Atque tantum concomitanter conjunctus omissionem, est impedimentum naturale, non morale actus præcepti.
6. Actus causans omissionem culpabilem, per se contrahit, sicut omissionis malitiam.
7. 8. Solvuntur objectiones.
9. Quando nam in confessione debeat exprimi: actus omissioni conjunctus?
10. Aliquando omnis conjunctus omissioni culpabilis non est peccaminus.
11. Distractio bonorum, qua sunt obnoxia restituitioni, est speciale peccatum.
12. Potest esse obligatio studendi, tempore quo urget præceptum audiendi Sacrum.

#### §. I.

*Negatur malitia actus concomitantis, tametsi incomplicabilis.*

**C**ERTUM EST, si actus, omissioni culpabili conjunctus, sit causa vel occasio illius, vitari per malitiam omissionis, tametsi foret ex objecto bonus, vel indifferens, ut studium, conversatio &c. Cujus ratio est, quia quod assumitur à voluntate tanquam formalis vel virtuali causa peccati, est mortaliter malum; sed, quando actus est causa

R. P. Meze. Theol. Schol. Tom. II.

vel occasio omissionis culpabilis, hoc fit: ergo. Unde eodem præcepto, quo obligamur ponere actum, etiam jubemur removere causam, è quibus prævidemus securum omissionem actus, nisi moralis difficultas & impossibilitas excusat.

Quæritur ergo de actu solum concomitanter conjuncto, quamvis alias incomplicibili cum actu præcepto, ut est v. g. Iufus tempore audiendi Sacrum, utrum per conjunctionem cum omissione actus præcepti malitiam contrahat, præsertim si sit actus ex sua specie vel objecto honestus, ut est studium; nam si sit actus malus, e. g. fursum, habere propriam speciem malitiae in comperto est.

Affirmativam tuentur Valencia, Lorca, Granda-  
do; negativam Alvarez, Cornejo, de la Serra,  
Suarez, quos citat & sequitur Godoyus hic disp.  
22. §. 1.

**CONCLUSIO PRIMA.** *Actus omissioni culpabili tantum concomitanter conjunctus, & sappo-  
nens firmam omitendi voluntatem, nullam exinde  
malitiam per se contrahit.* Ita Auth. cit.

Ratio est: quia non aliâ de causa actus conjunctus omissioni culpabili malitiam contrahit, nisi quia per modum causa formalis aut virtualis in illam influat; sed actus qui merè concomitanter se habet, neque est causa formalis neque virtualis respectu omissionis, siquidem illa sequitur vi alterius causæ & voluntatis præsuppositæ, & seque-  
retur, quantumvis ille actus, studii v. g., non ponetur: ergo nullam contrahit malitiam.

Confirmatur. Si actus omissioni culpabili

Bb tantum